



四
庫

全
書



第七五七册

四庫全書

●上海古籍出版社

本册目次

普濟方(二)

明朱權撰……一

第五十册

上海古籍出版社

欽定四庫全書

子部
普濟方卷三百六

詳校官大醫院醫士_臣程春
編修_臣倉聖脈覆勛

總校官進士_臣楊懋珩
校對官中書_臣金光梯
謄錄監生_臣黃廷璧

欽定四庫全書

普濟方卷三百六

周王朱楠撰

諸蟲獸傷門

諸蟲獸傷

凡一切蟲獸所傷及背瘡腫毒杖瘡燉發或透入裏者
可服木香檳榔丸七八十九或至百餘丸生薑湯下五
七行量虛實加減用之內經曰先治內然後治外是也
○又云犬咬蛇傷不可便貼膏藥及生肌散之類內經
欽定四庫全書
普濟方
卷三百六
云先治內後治外可也先當用尊水丸禹功散通經散
瀉十餘行即時痛減腫消然後可用膏藥生肌散之類
傳之則愈

方

豨薟散

治驢涎馬氣駱馳騾子免子狗子蛇傷

肉豨薟_二

自然銅_二
燒

檳榔_一

板蓋根_{分三}

虫桑子_錢

甘草_錢

烏梅_錢

川烏頭_一

燒

金毛狗脊_一

去毛

紅花_錢

紅芍藥_{分三}

茅香_{分三}

甘柿蒂一十箇 川棟子四箇 香附子二十箇

苦丁香七箇 官桂一分半 乳香二分

右為細末每服二分溫酒一盞調下如生氣食後服

熱氣食前如要驗中毒喫大麥麵拌羹吐逆者是不

吐非也又一管見如喫大麥麵羹一二碗令病人極

吐後諸藥大効

雄黃散 用搗麻子汁飲之大効或用雄黃乾薑塗

之

欽定四庫全書 普濟方 卷三百六 二

萬莧散 用萬莧汁塗之或用烏梅巴豆各等分塗

之

硫黃散 治熊虎爪牙所傷毒痛

用雄黃硫黃紫石搗末以絳囊盛之帶以防用

雄礬散 用雄黃礬或用飛丹礬塗之

麝香散 治鼠咬

用猫毛燒灰麝香少許津唾調傳一方麝香封上用

帛繫之

葛根散 治熊傷人瘡

用燒青布薰瘡口毒出仍煮葛根汁令濃以洗瘡日

十度并搗葛根為散煮葛根汁服方寸七日五服瘡

治虎咬瘡方

用濃煮葛根汁洗十數徧及搗為散以葛根汁服方

寸七日五甚者夜二服一方以嫩絮骨燒灰為末乾

傅瘡處一方用白礬為末納瘡口中痛止立効一方

溫水服

欽定四庫全書 普濟方 卷三百六 三

又方

用青布捲為繩燒一頭燃內竹筒中注瘡口薰之極

効

又方 用嚼栗子塗之良

治猪啣方 用松脂煉作餅子貼上

又方 用屋雷中泥塗之

治熊虎所傷毒痛 用煮生鐵令有味以洗之

治熊傷人瘡

用蒲萆一大把剉碎以水一升漬須臾取汁飲餘滓

封裹瘡

治虎犬咬蛇咬

用飲蔗汁一升日三瘥又杵汁傳之

治貓兒傷

用薄荷汁塗之若中貓涎入瘡則令人悶浸椒水調

莽草末塗之

治蛇犬毒入

用黃藥子末傳之

欽定四庫全書

普濟方
卷三百六

四

治狗咬虺蟻瘡蛇咬

用山豆根並以水研傳之

治蛇犬咬

用熱人尿淋患處良

治虎犬傷

用糝麥末內瘡口中裹之痛止立效

治虎傷

但飲酒常令大醉當吐毛出

又方

用鼠一枚燒為灰細研先用漿水洗身後傳之甚良

治虎咬瘡方

用嚼粟米塗之即瘥

治惡蛇風犬所傷

用唾調人耳塞塗傷處兩頭防毒走散然非數人耳

塞不可此極驗

又方

用草麻子為細末臘水化白蜜調傳傷處可

又辟虎法

凡入山用燒水牛羖羊角虎狼蛇皆走

治虎傷

用生野葛汁塗乾薑末內瘡中

欽定四庫全書

普濟方
卷三百六

五

治貓兒所咬成瘡不効

右以鼠血塗之立瘥

山林日用法每欲出行時用

雄黃一桐子大
火上燒烟

右以薰脚綳草屨之類及袍袖間即百毒不敢侵害

邪祟遠辟

治虎傷人瘡

取生葛根煮濃汁洗瘡魚搗葛根水服方寸七日夜

五六服

治虎狼傷瘡 以月經衣燒末傅之

主人畜為虎狼等傷恐毒入內者

取芒莖雜葛根濃煮服之效石芒生高山如芒節短
江西人呼為折草六月

七月生結
如莢也

治虎傷

以細辛雄黃等分為末內瘡中日三四易之

治虎及狗咬瘡

欽定四庫全書

普濟方
卷三百六

六

用猪膏搗傅之至良

治蟲咬傷

取大藍汁一碗入雄黃麝香二物隨意看多少細研

投藍汁中以點咬處若是毒者即并細服其汁神異

之極也昔張薦負外在劔南為張延賞判官忽被斑

蜘蛛咬項上一宿咬處有二道赤色細如箸繞項上

從背前下至心經兩宿頭面腫疼如數升益大肚漸

腫幾至不救張相素重薦因出家財五百千延賞家

財又數百千募能療者忽一人應召云可治張相初

甚不信欲驗其方遂令目前合藥其人云不惜方當

療人性命耳遂取大藍汁一莖益取蜘蛛投之藍汁

良久方出得汁中甚困不能動又別擣藍汁加麝香

末更取蜘蛛投之至汗而死又更取藍汁麝香加雄

黃和之更取一蜘蛛投汁中隨化為水張相及諸人

甚異之遂令點於咬處兩日內悉平愈但咬處作小

瘡如落如舊

欽定四庫全書

普濟方
卷三百六

七

驢馬傷附論

人誤被馬咬或踢踏傷損肌肉腫痛若不即治毒氣日

深傳入臟腑有致死者宜急治之○夫驢馬氣之病醫

流少有知之者凡人宰殺驢馬及自死開剝不可犯之

如開剝驢馬時切忌手指間有瘡痕及誤傷刃其涎入

內毒氣發也剝活馬毒少有若自死者大毒殺人命名

曰中生氣煮肉之時其半生半熟有白色時毒殺人名

曰中熟氣其毒入內初時便不覺頭疼體熱走注疼痛

寒熱無時而作起居如常如要知之用麥麩稀湯多飲

之即吐涎此知是驢馬之毒也如不吐者非也急用豈

菴散或虎骨酒飲之即可如不知者久淹日月其毒發

則如眼中出其眼即枯如臂中出其臂必傷腿中出腿

必癩幸然存命也如不然則病必篤遍身腫毒而膿出

肉爛死者甚眾應驗方云余年幼時大安元年在洛南

縣注親見官中倒死鋪馬命東屠行開

刺此時七人到此開刺之其人皆死後常見此証死者

甚眾余深究其法於屠戶中受此方屢經大効不忍秘

之大抵頭目疼身熱比傷寒相似

如走注疼痛起居如常此為異耳

欽定四庫全書

普濟方 卷三百六

一八

九

九

虎骨酒 治驢馬氣傷瘡毒

虎骨酥炙 木香三

右為細末分作二服酒調服之

治馬踢傷出經驗方

用地骨皮不拘多少為末以水調傳瘡甚効

桑皮散出千金方

治馬噉人陰卵脫出

用推內入以桑皮細作線縫之破烏鷄取肝細對以

封之且忍勿小便即愈

欽定四庫全書 普濟方 卷三百六

治馬犬噉及馬骨刺傷人及馬血入舊瘡中方

用取桑灰汁熱漬瘡常令汁器有火數易汁勿令爛

人肉三數日漬之有腫者炙石熨之日二消止

治刺馬被骨刺破毒欲死

右以婦人月水傳瘡口立効

治馬咬人瘡有毒腫疼痛又刺驢馬傷手出聖惠方

用雞冠血著瘡中三下兒馬用雌牝馬用雄一方用熱雞血浸之

殭蠶散 治被馬咬傷損皮肉疼痛

馬鞭梢五寸 雄鼠糞炒二 白殭蚕炒半

右搗為末以猪脂二兩調傳咬處日三易良

立効散出千金方 治馬噉人及躡人作瘡毒腫熱痛

馬鞭梢二寸 鼠屎二七

用合燒為末以猪膏和塗之立愈治遂成瘡爛經久

不愈者以馬鞭皮燒末猪膏和塗

羌蔚散 治馬咬

以益母草細切和醋炒封之效益母草即羌蔚子也

治馬咬傷出傳信通用方

用燒獨顆栗子灰貼瘡追毒

治馬咬人或刺破瘡及馬汗入瘡毒痛

用馬糞燒灰為末研傳瘡上及馬尿洗瘡佳

治驢涎馬汗毒所傷神效

白礬飛過黃丹炒令紫色各等分相滾合以貼患處

欽定四庫全書

普濟方
卷三百六

十

治馬咬人毒入心方出聖惠方

用馬齒菜子搗為散每服一錢溫酒調下不計時候

馬齒湯食之差

又方

用蓼藍汁三大盞水二盞煎至一大盞溫服二合不

計時候煎用洗瘡良

治馬咬人及踏人瘡有毒腫熱痛方

用灸瘡中腫上瘡

獠犬噬附論

凡春末夏初犬多發狂必誠小弱持杖以預防之防而不免者莫出於灸百日之中一日不闕者方得免難若初見瘡瘻痛定即言平復者此最可畏大禍即至死在旦夕凡狂犬咬人著訖即令人狂精神已別何以得知但看灸時一度火下即覺心中醒然惺惺了了方知咬已即狂是以深須知此此病至重世皆輕之不以為意坐而死者常年有之

欽定四庫全書

普濟方
卷三百六

十

凡獠犬咬人七日輒應一發三七日不發則脫也要過百日乃得免耳每到七日輒當搗韭汁飲一二升又當終身禁食犬肉蚕蛹食此則發死不可救矣瘡未愈之間禁食生魚及諸肥膩冷食但於飯上蒸魚及於肥膩器中食者便發不宜飲酒能過一年乃佳乃若人曾食落葵中大咬必難治若已瘥十數年後食之者便發也若重發者生食蟾蜍鱸鮓良亦可燒炙食之不必令其人知初得嚙毒便為之則於後不發也儒門事親書云

麻先生兄材行為犬所嚙昇至家脛腫如罐堅若鉄石
 毒氣入裏嘔不下食頭痛而重往問戴人女僮口誦隨
 利減以栳榔丸下之見兩行不瘥適戴人自舞陽回謂
 麻曰脛腫如此足之二陰三陽可行乎麻曰俱不可行
 如是何不大下之乃命夜臨臥服舟車丸百五十粒通
 經散三四錢比至夜半去十四行腫立消作胡桃紋反
 細於不傷之脛戴人曰慎勿貼膏紙當令毒氣出流膿
 血水常行又一日戴人恐毒氣未盡又服舟車丸百餘
 粒濟川散三四錢見六行病人曰十四行易當六行反
 難何也戴人曰病盛則勝藥衰則不勝其藥也六日
 其膿水盡戴人曰膿水行時不畏風盡后畏風也乃以
 愈風餅子日三服之又二日方與生肌散一傳之而成
 効嗚呼用藥有多寡便差別相懸尚使不見戴人則利
 減之言非也以此知醫已難用醫尤難

桃白散

出聖
惠方

治犬咬人毒氣攻心悶亂方

方

欽定四庫全書

普濟方
卷三百六

十一

桃白皮三兩

甘草半兩炙

杏仁三十枚湯浸去
皮尖雙仁麩炒

微黃而
成膏 桂心一兩

右細剉以水三大盞煎至一盞去滓入杏仁膏攪令

勻分為二服良久再服

蟬花散

出衛生
寶鑑方

治夏月犬傷及諸般損傷蛆虫極

盛臭惡不可近之者

蛇退皮一兩用炭燒

存性研為末

蟬殼半兩

青黛兩

華陰細辛三錢

欽定四庫全書

普濟方
卷三百六

十一

右為細末每服三錢酒調下如六畜損傷成瘡用酒

灌如犬傷用梅子和喫蛆皆化為水蠅子不敢再落

又以生寒水石末糝上

韭根散

出聖
惠方

治犬咬人疼痛不止方

豉一合

雄鼠糞一兩

杏仁

韭根各一兩

右件藥相和爛研傳破處良

金黃散

出聖
惠方

治狂犬咬傷損疼痛方

白礬一兩

硫黃

梔子

各半兩

右件藥都研為末傳咬損處即瘥

杏豆散 治療狂犬咬方

杏仁皮切去 豆豉各一兩 韭根一握淨洗

右搗為餅可瘡大小厚一二分貼咬處大作艾炷以

灸餅上熱即差

猬皮散出千金方 治獾犬毒方

頭髮 猬皮各等分

右燒灰水和飲一盃口禁者折齒內藥

欽定四庫全書 普濟方 卷三百六 治犬咬方

枸杞散出聖惠方

右同搗令熟后傳於瘡上即愈

杏桃散出聖惠方 治狂犬咬人傷痛方

杏仁四十枚去皮 桃白皮切二升

右用水二升先煮桃皮取汁一升去滓下杏仁再煮

減半去滓溫分三服得吐乃効

金粒丹 治風狗毒蛇所傷

雄黃一兩透明者 大硃砂一錢

右研極細旋取溫蟾酥為丸如麻子大每服一丸溫

酒下不忌口一服奏効

立効散 治風狗所傷

蒜 杏仁

右各等分一處搗爛次用些少消風急風散一捻在

蒜內連瘡口四畔傳訖將艾炷灸之次服消風急風

二散忌鱧鯪發風等物

欽定四庫全書 普濟方 卷三百六 定風散出衛生家寶方 治風狗咬破先口噙漿水洗淨用

綿溫乾貼藥更不再發

天南星生 防風各等分

右為細末乾上藥更不再發無膿大有神效不可具

述凡惡犬傷人咬破多或二年三年至六年咬破處

或時疼痛或先發增寒甚至發風遍身搗搗數日不

食十死八九余親見者數十人服此藥但凡犬咬破者

無有不愈

雄麝散 出醫方集成

治狗犬傷或經久復發無藥可療

者用之極驗

雄黃 色黃而明者五錢 麝香 五分

右各等研和勻用酒調二錢服如不肯服者則按其鼻而灌之服藥後必使得睡切勿驚起任其自醒候利下惡物再進前藥即見效矣終身禁食大肉蚕蛹此毒再發則難救

梔子散 治癩狂犬咬方

欽定四庫全書 普濟方 卷三百六

梔子皮 燒灰 石硫黃 末

用搗為末傳瘡日一易救急用二三度差

虎骨散 治癩狂犬咬方

虎骨 石灰

右二味以臘月猪脂和作餅子暴乾搗末以傳之良

治凡犬噬人方 出千金方

用取竈中熱灰以糝瘡中帛裹繫之

又方 出千金方

用燒白死蛇一枚令焦為末內瘡孔中

又方 出千金方

用鼠屎為末以臘月猪膏傳之或用鼠一枚猪膏煎傳

之

又方 出千金方

用飲生薑汁一升一方用白姜炙熨之良薑汁亦佳

治狂狗咬 出本草

用菘耳葉煮服之

又方 出千金方

用燒犬尾為末傳瘡日三

欽定四庫全書 普濟方 卷三百六

又方 出千金方

治犬咬人重發瘡

又方 出千金方

用頭垢少許內瘡中以熱牛糞塗之佳

又方 出千金方

治凡犬噬人

用苦酒和灰塗瘡中

治小兒狗噬方 出千金方

用月一日以水一升灌之勿令狗主打狗若月盡日

三升水灌之

治狗犬毒方 出千金方

用搗韭絞取汁飲一升日三瘡愈止愈後復發者用

莖根故梳二枚用水二升煮一升頓服

又方

用刮虎牙若虎頭骨為末酒服方寸匕或刮狼牙

骨末服已發狂如獠犬者服即愈

又方 用髮及狷皮少許燒灰水和服之

又方 出千金方

用燒虎骨傳瘡及熨之又微熬杏仁搗研取汁服之

良又取燈盞殘油灌瘡口此皆禁酒猪肉魚生菜

欽定四庫全書

普濟方卷三百六

六八

又方 出千金方 用桃東南枝白皮一握水二升煮取一

升分二服吐出犬子

又方 出千金方

用服莨菪子七枚日一度以水服之差止又取其糝

狗腦上毛燒灰傳瘡上不發一方用莨菪爛搗和鹽

傳之

又方 出千金方

用梅子末酒服之

又方 出千金方

用豆醬清塗之日三四差

治狂犬囓人方 出千金方

用蛇脯一枚炙去頭搗末服五分匕日三

又方 出千金方 用青布浸汁服三升

又方 出千金方 用飲驢尿一二升或驢尿汁飲一升即

差

治風狗傷 出濟生

用口噲漿水洗淨以乾薑末塗貼

又方 出濟生 用吮去血漿水洗單紙上炒黃丹赤

欽定四庫全書

普濟方卷三百六

十九

色貼之

蟾蜍灰散 出肘后方 治狂犬咬人重發者

用蟾蜍三個燒灰搗羅為末每服二錢溫水調下服

時不得令人知一方焙乾傳之又剝作鱧吞蒜薑下

治狗咬人毒氣攻心悶亂方

用蝦蟆一枚燒灰細研為末以粥飲調服之即愈一

方蝦蟆作贈而愈一方用砂糖同搗汁服 沈約宋

書曰張收嘗為獠犬所傷醫云宜食蝦蟆贈收甚難

之醫含笑先嘗收因此乃食瘡亦即愈

治獒犬嚙重發方出聖 患方

用乾姜搗為細末每服二錢以溫水調下不拘時候

一方用末傳瘡口立差

治犬咬成瘡漏方出聖 患方 用石灰細研為末以醋和

塗瘡上

治犬咬方出聖 患方 用取地龍爛搗封根咬處當有毛

或收得乾者搗末用油調封之

欽定四庫全書普濟方 卷三百六 子

又方出聖 患方 用關 燒灰細研為末以醋調塗之

治狗咬 用杏仁研細先切葱湯洗然後傳塗傷處

一方同馬蘭根研細塗之一方搗杏仁傳之服汁亦

佳熬成膏令黑傳亦可

又方出聖 患方 用草麻子五十粒去殼井水研成膏先

以鹽水洗咬處次以此膏傳貼或用虎骨末及虎骨膏

一方無虎骨末

莽草散出危 患方 治狗咬涎入瘡令人昏悶用上好浸

椒水調莽草末塗之

又方出聖 患方 治虎犬咬人 用白礬為末糝瘡內

裹之立愈

治犬咬凍瘡出危 患方 並以林米嚼傳

治狂犬咬人出聖 患方 用蚯蚓屎和鹽研封狂犬傷毒

處出大毛殊有神效一方井口蚯蚓糞濕傳瘡上以

物包定即差

治療獒犬咬人出聖 患方 大成 用仍殺所咬犬取腦傳之後

欽定四庫全書普濟方 卷三百六 子

不復發

治獒犬咬人出聖 患方 大成 用煮地榆汁飲之兼末傳瘡上

服方寸七日三服忌酒若治瘡已差者搗生韭汁飲

之一二升一方無韭汁地榆絞汁無生者乾水煮飲

之傳上一方為散水調服二三錢日三次服兼可傳

瘡上過百日止

解狗毒

杏人 礬石 韭根 人尿各等分

研細爛傳毒處

治犬咬人重發

用服薑薯汁佳一方地榆為末

咬處立差

治狗咬傷

用鍋墨為末桐油調塗又方用嚼杏仁

沃破處以帛繫定一方以人尿汁傳尤良

治癩狗傷

用真茶末桐油濃調塗傷處

治顛狗咬人

用清油泥於破咬處擦成條插斷看

油泥內直至無狗毛為度如有毛更擦然後用水調

欽定四庫全書

普濟方
卷三百六

三

嫩米糠為膏貼之此一方賀都目傳清油泥俗云油

尿

治顛狗咬人

出經驗
良方

用斑貓七箇去翅足為末夏間豆豉四十九粒去皮

滴水研為膏入和斑貓末為丸如梧桐子大盡數服

白熱水下却將穢桶盛水令病人尿小便於內停半

日見小便桶內水中氣凝結如狗形則愈如不下再

合服至七次始獲全安

清油散

出經驗
良方

治顛狗咬人

用生麻油滴豉為膏彈子大常常拭指所咬瘡口分

開豉彈見有狗毛茸茸此毒出即安至無茸毛為度

日間常行食用加杏子食之尤妙

又方

出經驗
良方

凡被癩癩狗咬不可便用水洗及飯擦可用草藥名

鉄薄荷又名接骨草用葉并根梗以水洗去土搗爛

傳傷處用絹帛包定無令着水神効其草如菊花葉

欽定四庫全書

普濟方
卷三百六

三

兩葉相對到秋有青花如小蓼花相似

治風顛狗咬人

出經驗
良方

用前方須要服藥後方可常食杏仁逐其毒

又方

出德生
堂方

用斑貓七箇去頭足翅研為細末温酒調服其毒亦

從小便中出膏膜形如狗狀如小便雖出不見狗形

須服七次方可如大小便俱澁不下却用火麻燒灰

存性同沒藥末茶各少許用温湯調服引導其毒即

下

又方出經驗良方

當時被咬如藥不便隨即用生葱連白不以多少搗

爛先塗咬傷處然後服前藥

虎骨膏

治犬咬

有一人被咬以蚯蚓屎黃泥各少許入此虎骨同調

傅瘡口上一服便愈曾有驗

治狗咬著破傷風欲死者

欽定四庫全書

普濟方卷三百六

用遍白狗糞燒灰溫酒下神効

紫荊皮散

治狂犬傷人

先以杏仁搗爛焙去毒以紫荊皮煎水又以沙糖調

紫荊皮末塗

治風狗咬

用路廁架上乾屎刮下用帶皮柳木搥熟搗成膏攤

紙上貼傷處睡去睡覺則汗出而愈永不再發不忌

口

治獠犬咬人出肘後方

用搗乾地黃汁飲之并塗瘡口上百度止

立効散

治風狗咬傷

用餓老鷹胆一箇溫酒調下或四十日或百日不瘥

者不過三服愈

治顛犬所傷出醫方集成

用斑貓大者二十一隻去頭翅并足用糯米一勺先

將斑貓七枚入米內於微火上炒不令米赤去此斑

欽定四庫全書

普濟方卷三百六

貓別入七隻再於前米內炒令斑貓色變復去之又

別用七隻如前法炒以米出青烟為度去斑貓不用

以米研為粉用冷水入清油少許空心調服須又再

進一服以小便利下惡毒為度如不利再進一服利

后腹肚疼痛急用冷水調膏服之以解其毒否則

有傷或煎黃連水亦不宜便食熱物

治獠狗嚙

用葛根末傅之

觸骨散出肘後方

治狂犬咬人及諸犬咬瘡不瘥吐白